

Ni Pangulong
Dieter F. Uchtdorf

Ika-duhang Manuglaygay sa
Unang Panguluhan



Nagalibot-libot Lang

Nakabati na bala kamo sang sinang-una nga halambalanon nga ang mga tawo nga nagatala lang nagalibot-libot lang?

Si Jan L. Souman, isa ka German psychologist, nagtuyo nga hibaluong paagi sa siyensia kon ini matuod. Gindala niya ang mga manugpasakop sang isa ka eksperimento sa isa ka dako nga kakahuyan kag sa disyerto sang Sahara kag naggamit sia sang global positioning system (GPS) agud mahibaloan kon diin sila nagakadto. Wala sila sing kompas ukon bisan ano nga gamit. Simple lang ang gintudlo sa ila: maglakat sing diretso sa direksyon nga ginahatag.

Si Dr. Souman sang ulihi naglaragway sang natabo. “[Ang iban] sa ila naglakat nga magal-umon ang langit, nga ang adlaw nalipdan sa likod sang mga panganod [kag wala sing makita nga mga talandaan]. . . . [Sila] tanan naglibot-libot lang, nga ang [laban] sa ila kapila na ka beses magbalik-balik sa amo man gihapon nga alagyan nga wala makatalupangod.” Ang iban nga mga manugpasakop naglakat samtang nagasilak ang adlaw, nga nga may makita nga mga talandaan sa unhan. “Ini sila . . . nagsunod sing halos tadlong gid nga ruta.”¹

Ini nga pagsayasat ginsunod sang iban nga mga manugsayasat nga gamit ang nagkalainlain nga mga pamaagi.² Tanan sila nakaeksperiensiya sing anggid nga mga resulta.

Kon wala sing kitaon nga mga palatandaan, ang tawo nagalibot-libot lang.

Ang Palatandaan sang Balaan nga mga Kasulatan

Kon wala sing espiritwal nga mga palatandaan, ang tawo nagatalang man. Kon wala ang pulong sang Dios, nagalibot-libot lang kita.

Bilang mga indibidwal kag mga katilingban, makita naton ining sistema nga nagasulit-sulit sa tagsa ka dispensasyon halin sa pagsugod sang kalibutan. Kon mahamulag kita sa pulong sang Dios, nagatalang-talang kita (sing espirituhanon).

Wala'y duhaduha ini ang rason nga ginsugo sang Ginuo si Lehi nga pabalikon ang iya mga anak sa Jerusalem para kuhaon ang saway nga mga lamina. Ang Dios nakahibalo nga ang mga kaliwatan ni Lehi magakinahannglan sing masaligan nga mga palatandaan—mga tanda—nga magamit nila bilang giya agud mahibaloan nila kon husto ang ila ginaagyan.

Ang balaan nga mga kasulatan ang mga pulong sang Dios. Ini ang mga palatandaan sang Dios nga nagapakita sang dalan nga dapat naton usoyon agud magpalipit sa aton Manluluwas kag malab-ot ang importante nga mga goals ukon tinutuyo.

Ang Palatandaan sang General Conference

Ang mga ginatudlo sa general conference isa pa gid ka palatandaan nga makabulig sa aton nga mahibaloan kon yara kita sa husto nga banas.

Kon kaisa ginapamangkot ko ang akon kaugalingon, “Nagpamati bala ako sa mga pulong nga ginpahayag

sang mga lalaki kag mga babayi nga naghambal sa sining pinakaulihi nga general conference sang Simbahan? Ginbasa ko bala kag ginbasa liwat ang ila mga pulong? Ginbinag-binag ko bala ini kag gingamit sa akon kabuhi? Ukon nanamian lang bala ako sang ila matahum nga mga ginipamulong kag wala gingamit ang ila inspirado nga mga mensahe sa akon personal nga kabuhi?"

Siguro samtang nagapamatid ukon nagabasa kamo, may ara man kamo ginsulat diutay. Siguro nangako man kamo nga mayuhon pa gid ukon liwaton ang pila ka mga butang. Paminsara lang ang mga mensahe sang nagligad nga general conference. Madamo sini ang nagapaisog sa aton nga pabakuron ang aton mga pamilya kag pauswagon ang aton mga pag-asawahay. Ini nga isyu sang *Liahona* nagatutok man sa sining wala'y katapusan nga mga prinsipyo, nga may madamo sing praktikal nga mga rekomendasyon agud bugayan ang aton mga kabuhi.

Ginahatagan bala naton ini sang atensyon kag gingamit ining makahulugan nga laygay? Ginakilala bala naton ini kag nagalakat bala kita padulong sining matuod kag importante nga mga palatandaan?

Ang Solusyon sa Pagtalang

Ang espiritual nga mga palatandaan tuman ka importante agud makapadayon kita sa tadlong kag kitid nga banas. Nagahatag ini sing klaro nga direksyon parte sa dalan nga dapat naton usoyon—pero ina kon ginakilala naton ini kag maglakat padulong sini.

Kon indi kita gusto nga magiyahan sining mga palatandaan, ini sila mangin wala'y pulos nga mga dekorasyon nga wala sing serbe kundi mangin talan-awon lang sa unhan.

Indi tuman ang magiyahan lamang sang aton mga nabatyagan.

Indi tuman ang may ara kita sing pinakamaayo nga mga intensyon.

Indi tuman ang magsalig lamang sa aton natural nga mga pamatyagon.

Bisan pa nga abi naton nagsunod kita sing matadlong nga espiritwal nga banas, kon wala sing matuod tuod nga mga palatandaan nga maggiya sa aton—kon wala sang giya sang Espiritu—magatalang kita.

Gani, buksan naton ang aton mga mata kag tanawon ang mga palatandaan nga ginhatac sang aton

maluluy-on nga Dios sa Iya mga kabataan. Aton basahon, pamatiyan, kag gamiton sa aton kabuhi ang pulong sang Dios. Magpangamuyo kita nga may matuod-tuod nga tinutuyo kag magpamati kag magsunod sa mga pagpabatyag sang Espiritu. Sa tion nga mahangpan naton ang diosnon nga mga palatandaan nga ginatanyag sang aton mapinalanggaon nga Amay nga Langitnon, dapat naton sundon ang banas sini. Dapat man kita maghimo sing dalayon nga pagpahusto sang aton kabuhi kag pamatasan paagi sa pagpadulong sa espiritwal nga mga palatandaan.

Sa sini nga paagi, indi kita magtalang nga nagalibot-libot kundi maglakat nga may kompyansa kag kasigurohan padulong sinang dako nga langitnon nga bugay nga amo ang palanublion sang tanan nga nagalakat sa tadlong kag kitid nga banas sang pagkedisipulo ni Cristo.

MGA TANDA

1. Tan-awa sa Jan L. Souman kag iban pa, "Walking in Circles," *Current Biology* 19 (Sept. 29, 2009), 1538, cell.com/current-biology/issue?pii=S0960-9822(09)X0019-9.
2. Tan-awa, para sa halimbawa, "A Mystery: Why Can't We Walk Straight?" npr.org/blogs/krulwich/2011/06/01/131050832/a-mystery-why-can-t-we-walk-straight.

PAGTUDLO GIKAN SA SINING MENSAHE

Samtang nagahanda kamo nga magtudlo gikan sining mensahe, sarang kamo magpangita sa balaan nga mga kasulatan sang mga halimbawa sang mga tawo nga gingiyahan sang espiritwal nga mga palatandaan ukon sang mga tawo nga naglibot-libot lang. Sarang ninyo sugdan ang inyo pagtuon sa sining balaan nga mga kasulatan: Numeros 14:26–33; 1 Nefi 16:28–29; Alma 37:38–47. Kon luyag ninyo, pwede kamo magpambit sang inyo mga panghunahuna gikan sining mga halimbawa sa simang inyo mga ginatudlo. Pamangkuta sila kon ano ang aton matun-an gikan sining mga sugilanon.

LAMHARON

Mga Palatandaan para sa Imo

Si President Uchtdorf nagalaragway sang general conference kag sang balaan nga mga kasulatan bilang mga palatandaan nga nagabulig sa aton nga malikawan ang espiritwal nga pagtalang. Binagbinaga ang iban pa nga espiritwal nga mga palatandaan nga

nag-impluwensya kag naggiya sang inyo kabuhi. Isulat ang inyo mga eksperiensi sa inyo journal. Ining mga sinambit nga pulong ni President Thomas S. Monson mahimo makabulig sa inyo:

"Ang imo patriarchal blessing magagiya sa imo sa paglampawas sa pinakamabudlay nga pagtilaw. Magagiya ini sa imo sa paglampawas sa mga peligro sang kabuhi. . . . Ang imo blessing indi dapat pagpil-on sing mahipid kag taguon. Indi ini dapat kwadruhon ukon ibantala. Kundi, dapat ini basahon. Dapat ini pakamahalon. Dapat ini sundon."

"Your Patriarchal Blessing: A Liahona of Light," *Ensign*, Nob. 1986, 66.

"Ang aton Amay nga Langitnon wala nagpadala sa aton sa wala'y katapusan nga pag-uswag nga wala nagahatag sang mga pamaagi sa diin sarang naton mabaton gikan sa iya ang giya agud masiguro ang aton hilway nga pagbalik. Nagatumod ako sang pangamuyo. Nagatumod man ako sa mga hutik sinang mahinay kag diutay nga tingug."

"The Race of Life," *Liahona*, Mayo 2012, 92.

MGA KABATAAN

Makatultol Ako sing Husto nga Alagyan

Si President Uchtdorf nagsiling nga kinahanglan naton sundon ang espiritwal nga mga palatandaan bangod ini makabulig sa aton sa pagpili sang husto kag mangin malapit sa Manluluwas. Ang pila sining mga palatandaan amo ang pangamuyo, ang balaan nga mga kasulatan, general conference, kag ang *Liahona*.

Upod ang inyo pamilya, magbasa sang isa ka pamulong-pulong gikan sa nagligad nga general conference. Ano ang ginapanugyan sang manughambal ukon speaker nga himuong naton agud magpadayon sa husto nga banas? Magpahamtang sang mga goals ukon tinutuyo upod sa inyo pamilya agud magamit ang inyo natun-an.



Kalipayan sa Paghimo sang Buluhaton sa Family History

Tun-i ining materyal sing mainampuon kag, kon nagakabagay, hambali ini upod sang mga sisters nga inyo ginabisita. Gamita ang mga pamangkot agud buligan kamo sa pagpabakod sang inyo mga sisters kag himuong ang Relief Society nga aktibo nga bahin sang inyo mismo kabuhi. Para sa dugang nga impormasyon, mag-logon sa reliefsonociety.lds.org.

Pagtuo, Pamilya, Bulig

Si Elder Russell M. Nelson sang Korum sang Napulo'g Duha ka mga Apostoles nagtudlo nga ang Espiritu ni Elias "amo ang tanda sang Balaan nga Espiritu nga naga-pamatuod sang diosnon nga kinaiya sang panimalay."¹

Bilang mga miyembro sang ginpanumbalik nga Simbahan ni Cristo, may responsibilidad kita sa aton kasugtanan nga pangitaon ang aton mga minatay kag magpatigayon para sa ila sing nagaluwas nga mga ordinansa sang ebanghelyo. Nga kon wala kita indi "sila maghimpit" (Mga Hebreo 11:40), kag "kita indi man kon ang aton mga minatay indi maghimpit" (D&C 128:15).

Ang buluhaton sa family history nagahanda sa aton para sa mga bugay sang wala'y katapusan nga kabuhi kag nagabulig sa aton nga magdugang ang aton pagtuo kag kaugalingon nga pagkamatarong. Ang family history isa ka importante nga bahin sang misyon sang Simbahan kag nagatugot sang buluhaton sang kaluwasan kag pang-kahitaasan ukon exaltation para sa tanan.

Si President Boyd K. Packer, Pangulo sang Korum sang Napulo'g

Duha ka mga Apostoles, nagsiling: "Kon mag-usisa kita parte sa aton mga kaliwanan nagainteresado kita indi lang sa ila ngalan. . . . Ang aton interes nagaliso sang aton mga tagipusuon sa aton mga amay—ginatinguhaan naton nga pangitaon sila kag kilalahon sila kag alagaran sila."²

Gikan sa Balaan nga mga Kasulatan

Malaquias 4:5–6; 1 Mga Taga-Corinto 15:29; D&C 124:28–36; 128:15

Gikan sa Aton Kasaysayan

Ang Propetang si Joseph Smith nagtudlo, "Ang pinakadako nga responsibilidad sa sinining kalibutan nga ginhataw sang Dios sa aton amo ang pagpangita sang mga ngalan sang aton mga minatay."³ Sarang kita mag-alagad bilang proxy sa templo para sa aton mga minatay kag maghikot sang nagakaigo nga mga ordinansa para sa ila.

Si Sally Randall sang Nauvoo, Illinois, nga ang 14 anyos nga anak nga lalaki napatay, nakaeksperiyensya sing dako nga kasulhay sa promisa nga wala'y katapusan nga mga

pamilya. Pagkatapos nga mabunyan gan ang iya bana para sa ila bata, nagsulat sia sa iya mga paryente: "Ano ka mahimayaon nga butang ini nga kita . . . sarang mabunyan gan para sa tanan naton nga mga minatay [katigulangan] kag luwason sila kutob sa malab-utan sang aton ihibalo parte sa ila." Dayon ginpan gabay niya ang iya mga paryente nga padal-an sia sang impormasyon parte sa ila mga minatay, nga nagasiling, "Tuyo ko nga himuong ang akon masarangan para luwason [ang aton pamilya]."⁴

MGA TANDA

1. Russell M. Nelson, "A New Harvest Time," *Liahona*, Hulyo 1998, 34.
2. Boyd K. Packer, "Your Family History: Getting Started," *Liahona*, Nob. 2011, 17.
3. *Teachings of Presidents of the Church: Joseph Smith* (2007), 475.
4. Tan-awa sa *Daughters in My Kingdom: The History and Work of Relief Society* (2011), 20–21.

Ano ang Sarang Ko Mahimo?

1. Paano ko mabuligan ang mga sisters nga akon ginabantayan sa pagbuhat sang family history?
2. Ginarekord ko bala ang akon kaugalingon nga family history?